

folha
axilativa
de isca!

rebatel

www.iscag2.org
info@iscag2.org



isca!


polo noso direito a existir:

Hoje toda a comunidade educativa do ensino nom universitário está chamada a umha greve para pararmos o decreto do galego no ensino que o novo governo do PP quer impor à sociedade galega. De Isca!, organizaçom da mocidade, nom podemos mais que aderir a esta greve e às mobilizaçoms contra este decreto, incluída a manifestaçom nacional em Compostela.

As bases do decreto apresentado tenhem **o objectivo final no ensino de pisar o acelerador da desaparixom da nosa língua**: enquanto nos governos Fraga optava-se pola agonia silenciosa, mas profundamente eficaz (a maior descida de falantes de galego na história), de medidas legislativas declarativas e minúsculas, ademais de nulo cumprimento, o governo Feijoo acomete já retrocesos no cativo marco legal desmontando os tímidos avanços do bipartito e restando espaços ao galego. Este decreto vem ademais acompanhado de múltiplas medidas de desprotecçom da língua em distintos ámbitos da sociedade: no acceso à funçom pública, nos grupos experimentais de imersom em galego, nas ajudas à traduçom para o galego, etc.

Politicamente, **este decreto intenta fazer equilíbrios entre os sectores mais galegófbos, ultras e neoliberais da sociedade e a ampla base social do PP** com um discurso baseado na pseudo-igualdade, na pseudo-

>>



nom a un decreto
para o extermínio!

modernidade e na psêudo-eleição da língua no ensino; polo que temos que desmontar esse discurso e assinalar os objectivos que procura o decreto.

Sem conhecimento nom há liberdade! O presunto equilibrio entre línguas deste decreto é falso, e só pretende perpetuar a situación de desequilibrio e inferioridade social e legal em que vive o galego. Os datos mostran que o anterior decreto do goberno Fraga, muito semelhante a este, nem sequer garantia o coñecemento do galego pola mocidade: converteu um 20% dos adolescentes galegos em analfabetos em galego. Mal se poderá escolher e vivir num idioma que nem se coñece, e esse é o camiño que pretende o goberno: converter o galego em idioma estranho e alheio à mocidade para camiñar cara a súa extinción.

Sem igualdade nom há liberdade! Este decreto ademais ignora as mínimas obrigas legais de "fomento e protección" ou "incorporación progresiva" do galego no ensino. O galego vive num quadro jurídico xeral (Constitución española e Estatuto de Autonomía) que impoñe a desigualdade: só o coñecemento do español é obrigatorio, nom o do galego, o que provoca unha situación real de sub-oficialidade. Ao incumprimento das disposicións mínimas de apoio ao galego suma-se pois esta realidade imposta polo Estado, reforzando-se ambas na estratexia do extermínio.

A pseudo-modernidade é a escusa da redución do galego: a introdución como lingua vehicular dumha outra lingua estranxeira (o inglés, supom-se) publicita-se como a forma de "aprendermos idiomas" para "competir num mundo globalizado". Desmontemos esta falacia: o coñecemento de idiomas estranxeiros é desejável, mas nom se pode facer mediante unha legalmente cuestionável via idioma vehicular equiparando-a ao galego, mas investindo adecuadamente na súa aprendizagem: grupos reducidos, metodoloxía moderna, etc, como em muitos outros países em que o amplo dominio da poboación do inglés veu por esta via. O goberno Feijoo pretende à vez evitar investir dinheiro no ensino público e usar o inglés de escusa para reducir o galego, fomentando o auto-ódio e o complexo de inferioridade historicamente implantados na nosa sociedade.

Por último, temos que repetir mais unha vez que nom existe o dereito de escolha da lingua vehicular, igual que nom existe o dereito dos pais a decidir sobre se os seus fillos deben estudar ou nom física ou matemáticas ou qualquer outro elemento curricular do ensino. **A decisión sobre modelos lingüísticos no ensino é unha decisión colectiva**, nom só do conxunto da comunidade educativa (professorado, alunado, APA's), mas das sociedades no seu conxunto, dotando-se de leis e regulamentos: nom só os doentes e médicos escolhem sobre o sistema sanitario, ou os usuarios das auto-estradas sobre o seu traçado, por exemplo.

De Isca! tamén reclamamos a retirada deste rascunho de decreto e, no mínimo, o cumprimento íntegro e efectivo do vigente Decreto 124/2007.

De Isca! continuaremos na nosa aposta pola via da territorialidade das línguas e do monolingüismo social, via que tem servido para recuperar as línguas minorizadas de muitas naçons sem estado como a nosa. Polo noso dereito a existir: nom a um decreto para o extermínio!

rebatel

www.iscagsi.org
info@iscagsi.org

isca!